

ხელშეკრულება № 12-157/2
სახელმწიფო შესყიდვის შესახებ

ქ. თბილისი

08.12.2017 წ

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის მოვალეობის შემსრულებელის მამუკა ბერიძის სახით,
მისამართი: ქ. თბილისი, დ. უზნაძის ქ. №52;

ტელ.: 2 200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: ააიპ ბაკურიანის მთის კლუბების ასოციაცია წარმოდგენილი დირექტორის სევერიან აბულაძის სახით,

მისამართი: ქ. თბილისი, ი. ჭავჭავაძის გამზ. N48

ტელ: +99579718899

ს/ს „თბილისი ბანკი“ ბანკის კოდი: TBCBGE22 ა/ა GE09TB7869636080100005

ს.კ 405193776

ერთი მხრივ - შემსყიდველი და მეორე მხრივ - მიმწოდებელი „სახელმწიფო შესყიდვების შესახებ“ საქართველოს კანონის და SPA170014713 ელექტრონული ტენდერის შედეგების საფუძველზე, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანია საქართველოს განათლებისა და მეცნიერების სამინისტროს მიერ 2017 წლის სახელმწიფო ბიუჯეტის "საზაფხულო სკოლების" პროგრამის "დავისვენოთ და ვისწავლოთ ერთად" ქვეპროგრამის (პროგრამული კოდი: 32 02 07) დაფინანსების ფარგლებში, დაბა ბაკურიანში სამთო-სათხილამურო სპორტული სკოლა - ზამთარი 2017-ის მოწყობის მიზნით მომსახურების (CPV80415000) შესყიდვა.

3. ხელშეკრულების ჯამური ღირებულება

3.1 ხელშეკრულების ჯამური ღირებულება შეადგენს 155 630.00 (ასამოცდათხუთმეტი ათას ექვსას ოცდაათი) ლარს.

3.2 შესყიდვის ობიექტის მახასიათებლები და ერთეულის ფასი მოცემულია ქვემოთ წარმოდგენილ ცხრილში:

დასახელება: სამთო-სათბილამური სპორტული სკოლა-ზამთარი 2017	რაოდენობა	ერთ.ფასი	სულ ფასი
მოსწავლეთა ტრანსპორტირების ხარჯი:			24500.00
რესურსცენტრებიდან განთავსების ადგილამდე და უკან, მათ შორის;	450		18000.00
კახეთი	161		7200.00
იმერეთი	150		5400.00
ქვემო ქართლი	139		5400.00
განთავსების ადგილიდან საბაგირომდე (300 მეტრზე მეტი მანძილის შემთხვევაში) და უკან/;	450		3500.00
მოსწავლეების ტრანსპორტირება განთავსების ადგილიდან სკოლამდე და უკან;	450		2500.00
ტრანსპორტირება კინოთეატრ "დიდველში" და უკან განთავსების ადგილამდე	450		500.00
სპორტული სკოლის მონაწილეების ღამისთევისა და კვების ხარჯი	450	210.00	94500.00
მანდატურების ღამისთევისა და კვების ხარჯი	18	60.00	1080.00
მწვრთნელის/ინსტრუქტორის მომსახურების ღირებულება	45	300.00	13500.00
საბაგირო აბონემენტის ხარჯი 5 დღის განმავლობაში	450	25.00	11250.00
სათბილამურო ეკიპირებით უზრუნველყოფის ხარჯი	450		900.00
დღის მეორე ნახევრის აქტივობები	450		2250.00
პირველადი სამედიცინო დახმარება	450		1350.00
მონაწილეების დაზღვევა (ქვეყნის შიგნით სამოგზაურო დაზღვევა)	450	14.00	6300.00
ჯამი:			155630.00

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
 4.2 ანგარიშსწორება განხორციელდება მხარეთა შორის მიღება-ჩაბარების აქტის გაფორმების საფუძველზე.
 4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 (ათი) სამუშაო დღის განმავლობაში.
 4.4 წინასწარი ანგარიშსწორება არ გამოიყენება.
 4.5 დაფინანსების წყარო: 2017 წლის სახელმწიფო ბიუჯეტი „საზაფხულო სკოლების“ პროგრამა „დავისვენოთ და ვისწავლოთ ერთად“ (პროგრამული კოდი-32 02 07)

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.
 5.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 პუნქტის 8.1.1 ქვეპუნქტით განსაზღვრული კონტროლის განმახორციელებელი პირის დასკვნა.
 5.3 შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ზოგადი განათლების მართვისა და განვითარების დეპარტამენტის უფროსი ან შესაბამისად უფლებამოსილი პირი.

6. მომსახურების გაწევის პირობები ვადები და ადგილი

6.1. მომსახურების გაწევის ვადა: 2017 წლის 11-17 დეკემბერი.

6.1.1 სპორტული სკოლის მონაწილეები დაბა ბაკურიანში ჩაყვანილ უნდა იყვნენ შემდეგი რეგიონებიდან:

ა) კახეთიდან (რეგიონის უკიდურესი რეგიონი - ახმეტა) 161 მოსწავლე;

ბ) იმერეთი (რეგიონის უკიდურესი რეგიონი - ხონი) 150 მოსწავლე;

გ) ქვემო ქართლი (რეგიონის უკიდურესი რეგიონი - დმანისი) 139 მოსწავლე.

6.2 მიმწოდებლის მიერ „საზაფხულო სკოლების“ პროგრამის „დავისვენოთ და ვისწავლოთ ერთად“ - სამთო სათხილამურო სპორტული სკოლის ბაზის ინფრასტრუქტურა და ტექნიკური აღჭურვილობა უნდა შესაბამებოდეს შემდეგ პირობებს:

- ბაზ(ებ)ი უზრუნველყოფილი უნდა იყოს საცხოვრებელი პირობებით, სადაც შესაძლებელი იქნება მოსწავლეების გათავსება 6 დღის და 7 დღის განმავლობაში.

- საძინებელ ოთახში თითოეული ბავშვისთვის გათვალისწინებული უნდა იყოს შესაბამისი თავისუფალი სივრცე, რომელიც იქნება უზრუნველყოფილი პირადი ნივთების განთავსების საშუალებით; საძინებელი ოთახი არ უნდა იყოს გადატვირთული;

- ყოველი პირი, რომელიც ღამეს ათევს ბანაკში, უზრუნველყოფილი უნდა იყოს საკუთარი საწოლით; ორსართულიანი საწოლების გამოყენების შემთხვევაში საწოლის ზედა სართული დასაძინებლად უნდა მიეკუთვნოს 10 წელზე მეტი ასაკის მქონე დამსვენებლებს;

- სასურველია, საძინებელს გააჩნდეს საკუთარი სველი წერტილი; სველი წერტილი უნდა იყოს შენობაში; შესაძლებელია მოსწავლეთა განთავსება მოხდეს სხვადასხვა შენობაში.

- აუცილებელია გათვალისწინებული იყოს გოგონების და ვაჟების განთავსება ცალ-ცალკე ოთახებში.

- შენობაში დაცული უნდა იყოს საქართველოს კანონმდებლობით განსაზღვრული უსაფრთხოების წესები; მოსწავლეები უზრუნველყოფილი უნდა იყვნენ პირველადი სამედიცინო დახმარებით. 7 დღის განმავლობაში მოსწავლეები უზრუნველყოფილი უნდა იყვნენ პედიატრის და ტრავმატოლოგის 24 საათიანი მომსახურებით და საჭირო მედიკამენტებით.

- მოსწავლეები უზრუნველყოფილი უნდა იყონ სამედიცინო დაზღვევით (ქვეყნის შიგნით სამოგზაურო დაზღვევა).

6.3 კვება: მოსწავლეები უზრუნველყოფილი უნდა იყვნენ მრავალფეროვანი, დაბალანსებული კვების რაციონით, დღეში სამჯერ + დესერტი (დღეში ერთხელ), 6 დღის განმავლობაში, ხოლო მე-7 დღეს - დილის საუზმე. აუცილებელია საკვები, რომელიც შეიცავს: ცილას (რომელიც მოიპოვება ხორცში, ფრინველებში, ზღვის პროდუქტებში, კვერცხში, ლობიოში, თხილში და რძის პროდუქტებში); ნახშირწყლებს (ხილი, ბოსტნეული, გადაუმუშავებელი მარცვლეული); ვიტამინებს (რომელიც მოიპოვება ხილში, ბოსტნეულში და მინერალებში (კალციუმი, რძის პროდუქტები); ცხიმს (ხორცი, ყველი, თხილი, ზეთი, კარაქი).

6.4 სათხილამურო სრიალს უნდა დაეთმოს 5 დღე (აღნიშნულში შედის: სათხილამურო ეკიპირება (თხილამური, თხილამურის ფეხსაცმელი, სასრიალო ჯოხები (საჭიროების შემთხვევაში), ჩაფხუტი, ინსტრუქტორის მომსახურება (1 ინსტრუქტორზე მაქსიმუმ 10 მოსწავლე), საბაგიროს ბილეთი - მოსწავლეთათვის უზრუნველყოფილი უნდა იყოს საბაგირო აბონემენტი 5 დღის განმავლობაში.

6.5 სწორად უნდა იქნეს შერჩეული სასრიალო რელიეფი, ამინდის გათვალისწინებით. ბაკურიანის შემთხვევაში, სავარაუდოდ შერჩეული უნდა იყოს ისეთი აპრობირებული ტრასები, როგორებიცაა, „დიდველი“, „კოხტაგორა“, „ტატრაპომა“.

6.6 მიმწოდებელმა უნდა უზრუნველყოს ასაკობრივი ჯგუფებისთვის სხვადასხვა კატეგორიის მწვრთნელების მიმაგრება (იგულისხმება, სხვადასხვა ასაკისა და დონის მქონე მოსწავლეებისთვის, კონკრეტულად მათთვის საჭირო კვალიფიკაციისა და ცოდნის მქონე მწვრთნელებთან მუშაობის საშუალება); ყველა კატეგორიის მწვრთნელს, სავალდებულოა, ჰქონდეს გადაუდებელი სასწრაფო დახმარების აღმოჩენისთვის საჭირო ცოდნა, უბედური შემთხვევის დროს, დაშავებულისთვის ლოკალურად დახმარების გაწევის უნარი.

6.7 მიმწოდებლის მიერ მოსწავლეები უზრუნველყოფილი უნდა იყვნენ დღის მეორე ნახევრის აქტივობებით. (სპორტული და შემეცნებითი) 1 ვიზიტი „დიდველის“ კინოთეატრში; შეკრების ბოლო დღეს უნდა გაიმართოს შეჯიბრი, სადაც მოხდება გამარჯვებული მოსწავლეების დაჯილდოება.

6.8 მოსწავლეების შიდა ტრანსპორტირება უნდა მოხდეს აგრეთვე (300 მეტრზე მეტი მანძილით დაშორების შემთხვევაში), განთავსების ადგილიდან საბაგირომდე (5 დღე), (სწავლის პერიოდში) სკოლამდე და უკან განთავსების ადგილამდე (5 დღე) და განთავსების ადგილიდან „დიდველის“ კინოთეატრამდე და უკან (ერთი დღე).

სატრანსპორტო საშუალება უნდა იყოს ტექნიკურად გამართული, ჰქონდეს გათბობა-კონდიციონერის სისტემა, ტრანსპორტის მძღოლი უნდა იყოს შესაბამისი კატეგორიის მართვის მოწმობით. მძღოლს ტრანსპორტირებისას უნდა ახლდეს თანმხლები პირი.

7. მხარეთა უფლება-მოვალეობები

7.1 მიმწოდებელი პასუხისმგებელია გაწეული მომსახურების ხარისხსა და დროულობაზე.

7.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადაში.

7.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.5 მოსწავლეთა განათვისების ადგილზე მათ უსაფრთხოებზე იზრუნებს საქართველოს განათლებისა და მეცნიერების სამინისტრო (სსიპ საგანმანათლებლო დაწესებულების მანდატურის სამსახური).

8. ხელშეკრულების შესრულების კონტროლი

8.1 შესყიდვის ობიექტი მიღებულად ჩაითვლება მხოლოდ შემდეგი პირობებით:

8.1.1 მიმწოდებლის მიერ ხელშეკრულებით გათვალისწინებული მომსახურების გაწევისას კონტროლის განმახორციელებელი პირი ამოწმებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და ადასტურებს შესაბამისი დასკვნით, ხოლო ამის შემდეგ მიმწოდებელსა და შემსყიდველს შორის ფორმდება მიღება-ჩაბარების აქტი.

8.2 ხელშეკრულების კონტროლს განახორციელებს სამინისტროს ზოგადი განათლების მართვისა და განვითარების დეპარტამენტის პოლიტიკისა და პროგრამების სამმართველოს შტატგარეშე მოსამსახურე - ეთერ გველესიანი.

8.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

9. ხელშეკრულების პირობების შეუსრულებლობა

9.1 მიმწოდებლის მიერ ხელშეკრულებით ნაკისრი ვალდებულების ხარვეზით შესრულების შემთხვევაში მას დაეკისრება პირგასამტეხლოს გადახდა ხელშეკრულების ღირებულების 3%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების არაჯეროვნად შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.

9.3 მე-4 მუხლის 4.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ გადაგადაცილებულ დღეზე ხელშეკრულების ღირებულების 0,01%-ის ოდენობით.

9.4 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

9.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2018 წლის 31 იანვრის ჩათვლით.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

- 15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.
- 15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.
- 15.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

მხარეთა რეკვიზიტები:

შემსყიდველი:

საქართველოს განათლებისა და მეცნიერების
სამინისტრო

ეკონომიკური დეპარტამენტის უფროსის მ/შ
მამუკა ბერიძე



მიმწოდებელი:

ააიპ ბაკურიანის მთის კურორტების ასოციაცია

დირექტორი
სევერიან აბულაძე